

同治庚午春重鐫

醫民醫署

江蘇藏板

原序

余始下車見村閭市巷懸壺家輒題痘瘡字額指詢士人瘡讀作措聲與浙西無異其實此字僅見廣雅註訓疾字且未詳何音想以相沿之語起相襲之方而已邑中醫士鄭君卜年悉力於此屢有奇效今其人已往其友出所製方按凡兩卷問序於余竊思古今方書最爲繁多惟此症向無專集故西北稱疹子稱赤瘡大江南稱麤瘡或稱膚瘡吾鄉稱沙子迄無定語今讀其書首明藥性於升降加減畏喜惡反諸法瞭如指掌而諸凡

立論不爭先後天及血分氣分氣血兼傳之說并不拘
執死方以治活病宜其所試輒效古云偏恃者以不兼
無功豈其然耶惟症仍名疹意以瘡字未入音韻恐取
世笑或漢以前痘癍麻瘡統以疹名不知熱生小瘡曰
疹夏間觸熱生沸亦名膚疹一切皮外小起亦曰疹正
字通云俗呼豆瘡曰疹是疹又專指痘夫癰起於肉瘰
起於皮患固各有主名而向無確據曷若仍方言之舊
俾觀者自得其意名之曰鄭氏瘡畧至於書之有裨於
世自有博物君子洞垣窺藏推爲補天之勲佐也余奚

贅馬

道光庚寅仲春月陽羨程璋謨於鄞縣署中



二銘居士錄瘡畧既竟爰摘錄金氏瘡說及瘡科
心傳并聞於鄭氏後人者數條於後以補是書所
未備

瘡症發熱其初多半日壯熱半日或退或稍輕面紅頰
赤以後發熱則日甚一日不分晝夜兼之咳嗽涕唾必
是出瘡之兆至三四日後兩頰卽見細細紅點從早至
午遍及周身到手足灣爲初潮次日熱轉甚咳嗽亦轉
增。出至手足背爲二潮。再次日至手足尖出齊爲三潮。
三潮將齊其初潮顏色似覺較淡再次日周身盡淡然

必身熱減。咳嗽等方肯減。否則還要再隔二三日。纔得回盡。若輕者。發熱五六日而出。點亦較稀。色亦較淡。兩日便有三潮。三四日卽便回盡。尤輕者。發熱二三日卽見點。一日間三潮亦齊。點亦稀少。兼症亦甚輕。此其常也。至其變。亦有發熱二三日而出。再一二日而回盡者。亦有發熱六七日而出。必又五六日而回盡者。瘡點凡子刻出者。多午刻收。午刻出者。多子刻收。出瘡雖曰三潮出齊。然亦有一潮上。或二潮上。卽一齊湧出。只要部位好。出得透。亦是無害。若三潮旣足。點仍不透。卻仍有

後患須要再補透一番方可安心。

將出瘡子發熱自陽分時起者至陰分時熱漸衰自陰分時起者至陽分漸衰必如此一二日或三四日然後方發常熱與傷寒及出痘熱象迥然有別且瘡子熱時覺坐臥值明暢處則稍爲鬆快值黑暗處則轉煩悶瘡點形色細密聳綻摸去糙手其出也先膚紅其回也膚漸淡出瘡發熱時有微汗滋潤并眼淚鼻涕唾涎此謂五液俱全出時色紅而潤部位齊而透此順症也但謹避風

寒調節飲食。可不必服藥。

瘡子第一要避風寒。若發熱至見點時。更不但要避風。抑且要身藏帳中。故使煩蒸。則瘡方能速達。所謂悶瘡。子是也。然出一潮。亦須稍寬幃幙。出至三潮已足。當使其稍爲涼爽。勿再悶蒸。惟切不可見風受冷。致外感生變。兩顴俗爲瘡門。凡周身俱透。獨此處不起。卽過月外。亦多喘變。若在冬月。或生凍瘡。致血脈凝澁不透。用新棉花醮芫荽酒溫護。手足生凍瘡。致瘡不起。治同。出瘡發熱愈壯愈妙。熱壯斯能盡透。但須知此熱乃從

胃腑中鬱蒸而出。斷不可誤謂表邪。以大開其毛竅。出瘡最宜食淡。淡則肺氣清淨。且不凝滯血脈。得小便常通。瘡自易出。若酸則斂肺。甜則生熱。辣則助火。鹽則滯脈。必致變端。以至一切油膩魚腥水菓生冷及芫栗閉氣之物。月內務須禁絕。至雞肉羊肉河魚河蝦。四十九日內食之。後遇天行時氣。必出重瘡。凡一切禁忌。能守百日更妙。補藥補食。亦須在百日後爲妥。恐肺胃未清。無益有損。其大旨。以溫山。氣。純。誠。心。尚。無。害。也。爲。提。小兒純陽。脈已七至。瘡又陽症。脈自當更爲洪大。必待

瘡透脈方可轉小。若前後倒置。定生變幻。至萬氏說瘡云。得右手脈洪大有力。雖他症蜂起。亦尙無害。此說雖未曾試過。然瘡係肺胃之症。右手主肺胃。揆之於理。或不誣也。出瘡天時。以春夏爲順。秋冬爲逆。以春夏發洩。秋冬閉藏故耳。瘡後餘邪。致成諸症。雖各分條治。卽曠日持久。亦仍要配透發。利肺清胃。三法於其間。始能獲效。或有小兒本原自虛。因虛發熱。或因外感發熱。其中瘡

根本輕。不過畧惹時氣。身發數點。或數十點。或數百點。此在似瘡非瘡之間。千勿大作瘡。治致無故受伐。爲害非淺。莫若謹避風寒。調養得宜。勿藥爲上。又有明是出瘡而身熱悠悠。神情似倦。外形諸症亦不甚見。瘡點亦不透明。此因瘡勢過甚。胃府填塞。一時不能旋化而出。所謂重陽必陰也。任兒有虛憊情形。其中必有悶氣不轉光景。試以手按其胸膈。必然眉皺眼楚。當用桔梗。出查開其肺胃。之部。當用西風。吞。其發瘡時。熱蒸過甚。致回後皮膚赤爛。松花搽之妙。

出瘡頭面未見先出於背者不治之症。

瘡子多由天行癘氣傳染之時沿門履巷徧地皆然其症輕重順逆不等但逢閏年爲多若此閏不發則值下次閏年必大發且先一年已預爲動作直至過卻閏月漸見安靜此係鄭氏世傳瘡科七八十年來屢試不差者業醫諸君倘逢閏歲不得不預爲畱心然亦勿膠執成見一遇疑似之症概作瘡治。

凡遇瘡症廣行之歲勿輕易種痘恐致痘瘡並出穉弱之質勢必擔當不起調治每至棘手曷若遲緩一年爲

妥。

瘡症用桂枝。古方間有。瘡畧一書。惟手足尖不起。及治瘡痒。并悞降。再表方加味有之。近見醫家。往往於升發方中。每用此味。一至冬寒出瘡。尤視爲透發必要之品。不知桂枝性烈而橫散。與瘡火不相宜。薛氏書中曾言之。若遇非萬不得已之症。切勿輕用。且近時桂枝多非正路頂桂。其性更烈。尤不可不慎。

出瘡發熱。不食亦無所害。此因胃熱阻隔。瘡透熱清而胃自開。每見富貴之家。一至出瘡種痘。必添僱乳婦。不

知勉強進乳多食反致多熱倘遇生產未及滿月或因
兒瘍回覆及身患惡瘡乳婦爲禍不可勝言是愛之實
以害之也。瘡子一症命名各異然他處雖有不若浙東爲甚豈以
諸郡僻處海濱地潮而鹽致此歟其理殊不可測也。

瘖畧一書爲蘆鄭卜年先生所著也 先生以醫瘖名
於鄞奉家三邑及台郡者數十年矣去冬至春吾郡多
患此症因徧訪是書欲奉作南鍼竟無從得緣鋟板散
佚已久卽其家藏原藁亦遭回視之虐蕩焉無存頃始
於友人處假得一刊本鈔錄一過見其論辨之詳明方
藥之周備爲自來瘖科諸家所未有爰亟謀諸同志重
梓以廣其傳惟是原書編次無序爲分類而句讀之俾
獲是書者得以便於翻閱云

同治庚午歲季春月二銘居士識於鑑蓉書舍

鄭氏瘡畧

鄞鄭啟壽卜年著

男文詩嘯泉
孫榮良卿校字

辨論

夫瘡之始起。咳嗽噴嚏。鼻流清涕。眼胞微腫微赤。淚欲
汪汪。腮赤而腫。皆是出瘡之兆。冒風寒食積重則遍
身。綑脹。眼即封閉。或壯熱無汗。氣粗氣喘。嘔吐驚搐。鼻
煤。咳嗽音啞。無汗至五六七日不放點。急用表藥以升
發之。宜用麻黃蒼耳子。若瘡出稠密如雲片。疙瘡。此必
紫紅乾燥。其毒甚重。表時宜表。回時速當清其火。解其

毒爲要。

此時宜用青龍湯卽雙解散。

便燥。表時宜用生大黃五六錢。

回時尤宜重用。胃火盛於回後宜用生石膏兩餘。若不

出足而回者加麻黃。與石膏全用。肺火盛於回後宜用

片苓七八錢。回後小水不利用生山梔二三錢。心火刑

剋肺金用黃連四五分。若表未足宜慎之。

瘡出如黑暗焦枯。

不起不透。

及糊塗者凶。

血滯。

手指先見。頭面

身上全無爲逆。此閉症也。或感風寒而不出須加麻黃

以重表之。頭面不出而身體甚多須加荷鼻。荀尖。羌活。

升麻。川芎。手足尖不到。頂桂枝。荀鞭芽爲要。一熱卽出。